

Georg Ringsgwandl, Radarstrahl

(Text und Musik: Ringsgwandl)

Hiot! i wer' bestrahlt von einem Radarstrahle,
des is a Tempofalle, do brich i zsamm.

Grauer BMW, du misst mei Gschwindigkeit,
i hoff, du machst des gscheit, alrightright.

Kriag i a Billettl, kriag i a Tickettl,
wer' i do in Flensburg eitrogn?

Kriag i a Billettl, kriag i an Strafzettl,
wer' i do in Flensburg eitrogn?

tat i gern frogn, trau mi net frogn, au.

Wisoy Otto, sog wos host denn du dir denkt,
host gmoant, der Herrgott lenkt,
do host di brennt.

Zimmermann, gej, du host doch koan Meineid gschworn,
du warst bloss leicht vaworn, ja dann guits net.

Kriagt's es a Billettl, kriagt's es a Tickettl,
werd's es in Flensburg eitrogn.

Kriagt's es a Billettl, kriagt's es an Strafzettl,
werd's es in Flensburg eitrogn,

tat i gern frogn, derf ma net frogn, wuh.

Wer bestrahlt mich hier mit einem Gammastrahl,
host du denn ein' Stoerfall, kloans AKW.

Doch glei is ois vorbei, scho wieda werd entwarnt,
des Land is guat beinand, ja so muass' sei.

Gibt des a Tickettl, gibt des a Billettl,
werd do wer in Flensburg eintrogn?

Wer kriagt den Strafzettl, wer kriagt des Billettl,
werd do wer in Flensburg eitrogn?

Tat i gern frogn, derf ma net frogn, awuh.